

漸西村人初集

漸西村人初集

詩十二

癸未元日作

春游

懷楊西華丈

長年

蠶丁一首

西山隱者

吳宗丞使還餽研瓢

竺坡侍郎獲嚴譴以長句贈之

層臺一首

松岑獄中用蘇文忠韻作詩見示次韻答之

露

壽周苻農先生七十

上大理卿前侍郎長沙徐先生

再詔湘陰相公一首

晦巖村

寄顧秀才

蕭寺

次韻薛十八題園二絕

智凝上人新闢睡軒

訓洪右臣給諫朱鼎父著作

題洪大詩集

細雨

故提督陳公

國瑞

湖北應城人敢決善戰同治初立

功淮潁間後緣案謫戍黑龍江庚辰俄事未決南皮
張公材而薦之於朝未果用聞其碎于戍所也哀
之以詩

答人問京華耆舊

馮夢華失足墮溝中作此獻謝

偶題

長句八韻爲縉雲王母壽

夜起

夢中作不知何解姑書之

頽牆下枯竹復活

送松岑赴戍所

夜讀柏峴山房集

臥聞吹笛

寄薛十八

秋日書感

深園

送楊雪漁使黔中

重送潘孺老

壽昌校官楊文年六十詩

棗花寺

芸舫乞病歸吳江追送不及悵然有寄

次韻子培古詩二首

雨蒼將卜隱田盤山戲贈一絕

漫書

寄山中道流

雜言

悲日南三首

尊老見示重九棗花寺集送孺初詩奉和一首兼以

寄孺翁

簡王荊卿

座主禮部侍郎張公挽詩

招胡繡山

登城野望

答張仲模

竹影

次韻答希梅

廢圃

畏人

適俗

戲簡子培子封

將掾于典客署書懷三絕

瀨齋偶題

咏道旁廢池

閒居瓌述

有懷尊老

東廡願有竹樹假山之勝願而樂之

寂寂

馮侍御西山探梅圖

歲除獨謠

漸西村人初集

詩十二

癸未元日作

得霑微祿荷 穹慈樛散慙無術
沛時酒漉鵝黃新歲蠶
花敲猩絳隔年枝不逢
文盛開天日強逐郎潛禾絹司眞
裕相妨嗟久矣勿嗤諧語雜優伊

春游

草暝綠將茁沙平漚可眠
長檐車碾過似泛箬篷船

懷楊西華丈

長年

驃騎航南十萬家莫貴荆扉老楊叟
昔年語我寒山偈到

頭半字甯相抹斥金買書高屋山不知其理誰能有因君

此言感我心久別奉書詢健否

辛未壬申閒時一至白門與楊丈游甚樂一日丈忽

正色譴寒山子詩相戒曰黃蘗作驢鞍方知苦在後生死忽到頭半字不相教云子一向在文字窠臼上尋道理終不是安身立命處子悚然受戒

蠶丁一首

蠶丁二十年前劫生死田頭走幾遭何日茅庵戴山住一

方採藥一方藥

西山隱者

犁眉叟多傷世語羊鼻公有述懷篇山林欲往卽長往何
事俗客強周旋

吳宗丞使還餽研甄

何術千將割紫泥使車載自鬱林西苦無語妙訓墨妙留
待山行蘇壁題

竺坡侍郎獲嚴譴以長句贈之

漢德如天忠厚積艱危倚賴望宗臣雖輸中壘成新序雅

稱元王作後人

君爲鄭親王濟爾哈朗之
昆孫爾國語讀若拉

惻惻前游翠微

月蕭蕭雲物

帝城春豪華聲伎終爲累竹箭推殘未

改筠

層臺一首

層臺支直木可以禦烈風木也勿自蠹一蠹羣枉訐廊廟

倚忠佳往往積毀叢淮南寢衰謀汲直無形功信國之利器諸君方發蒙曲木常妬之蟲來助虻攻伺君跬步失快彼含沙工直木織介惡天聽爲之聾曲木邱山舉浮雲塞高穹層臺雖云固穴蟻朽其中一朝隕且壓誰寶職棟隆繁惟曙戒者扶植臭味同芝摧蕙諤諤松偃柏忡忡吁嗟復吁嗟冀迴明堂聰倘直木先伐中尅長蒿蓬區區賤士懷深夜軒白虹

松岑獄中用蘇文忠韻作詩見示次韻答之

憶曾爛漫蹋芳春此日枯梧倚瘦身桃梗語連泥梗語蓮蓬人笑轉蓮人劍頭炊黍渾無迹談舌張幢尙有神學道

每從憂患得漫勞季主問前因

澀體生新古洞春藕絲穿孔舊吟身同爲竊食太倉雀莫
漫尋詩狐穴人物論久知齊得喪危機應謝役精神君鄉
亦有梅莊叟甌脫談經豈夙因

聞獄結
將遣戍

春迴舊柳官隄綠酒熟新窳窟戶低何日赦書晴啁鵲一
邱茆屋午聞雞憐君自署支離叟願我逃空法喜妻地上
經營皆寓耳先拚一飲鐵圍西

脫離火宅神旋王不遇孤標首肯低北叟寓言從失馬惡
施雄辯更談雞卯君乞贖應憐弟楊朴箴行尙有妻子獨
經旬游屐懶共誰攜榼野塘西

露

連林釀春露花氣潤几席皴苔黯逾青小閣虛更白入夜
萬象冥浩蕩春江泊朝來霧濛淞輕綃罽檐隙又如水田
衣不辨竹翳石微見低昂枝寒生菌蠢翮森霏隔朝霞瓌
細幽事積空幻無定姿喧靜俱可適一臥如荒村丹邱養
營魄

壽周苻農先生七十

千歲之松根化爲石不辨孰爲松孰爲石質也上士
百歲心與道一不辨孰爲道孰爲我見也彼操術淺
者斷斷剖同異離真俗剝心勞形以爲至矣而其中

津津乎猶有惡也若長沙公之耆學勤養性厚量腹
而進芝朮度形而衣芰荷殆幾于真妄兩冥權實俱
化矣長樂復丁不可涯已因假詞以起興

鬱律青松姿結根自朱陵朝與仁禽游夕與醴泉凝蟠屈
幾何年蓋偃衣鬢鬢其下紫菌茁其上蒼羊馮移植貢上
國雨風和氣蒸細則華藻麗大將采棟承妙墨潤制誥芳
鸞翼楓棧乃居顯晦閒外物眎騫騰同時哂流輩溟漲擊
鯤朋天全謝塗獲道勝自規繩秕糠今欲簸嶢嶸古能絀
惲子居有鑑今而友揚古而師之語雲濤氣旁薄鍾磬聲鏗眩上叟復丁壯
箋疏洞疑瘕夜來書細草精爽翔秋鷹律身景隨表閱世

臂休扔玉栢三絕簡赤城一枝藤術智難強名蒙無得而
稱

上大理卿前侍郎長沙徐先生

薦士公之職幡然就左遷幾人安義命達者必孤騫載酒
西湖隸敷文南國賢風神常灑落藻鑑絕拘攣復啟鄭鄉
學重支橫舍椽諸生虔植進宦績阮儀徵陳石士聯禹穴

風磴黑柯山霜菊鮮苔剝縉雲篆蘇剔獨松馭問俗興廉
孝甄微付筆搦沮蒼增祀碣油素惠窮塵德澤猶能說箴
言賸欲編歲行俄去越秋請復歸燕耆舊三朝貴中文七
閣孳緋衣仍借紫丹穀不如元密座霏瓊屑清廚饌玉延

奇文恥加點大句偶施鑄守發公羊墨言超郭象筌占星
仍畫鋌惜日每懷鉛桃市劉郎笑薪材汲黯捐石渠修秘
笈官燭憶餐錢蠅蜓嘲能事蜉蝣議輩年網塵懸鶴蓋苔
璣繡龍淵定國門闔大元常草隸妍耳鳴聲轉密心畫被
從穿述作兼諸體機神息眾緣談諧金拾碎豪楮玉生煙
紫葢中峯路朱陵古洞天隱朝時類展觀井或嗤籛泛我
浮幢海餐於苟簡田追攀頌靈壽媿乏子雲篇

揚子作靈壽頌謂杖也

再訓湘陰相公一首

直以俛眉推國相能容揖客事將軍九沅深媿圓機未重

趺空操方柄勤海若倒輸松下礪雨師迴灑甕天雲繖山
銀杏垂垂老穠李天桃紛復紛

晦巖村

谷花藏古寺溪柳覆漁磯鼠食松子香雞銜稻孫肥人家
西崦裏煙火隔雲微曾作源中客春歸人未歸

寄顧秀才

世故百消鑠夙心幸未化得君一藥言起予千日嗔衰俗
久紛紛微明無一罅如耳習淫哇正聲翻自訝藉非金石
止眾脛隨波下甚欲去鍾山下鄰課桑柘穿渠刷新畬築
圃正侷射古人不可攀有淚浩如瀉抗志荒翳區不欲迴

吾鴛

蕭寺

淡沱雲波蹙細鱗
天街新雨淨無塵
獨尋蕭寺荒寒甚
一樹娑羅欲作春

次韻薛十八題圖二絕

青山爲枕雲作屏
不遣文人澆草亭
剗削蚓蛇厓石字
無言獨自養黃庭

琅玕勝游

龍城癩語託儀曹
那有仙妹玉色醪
我與梅花原一族
不知誰最占孤高

羅浮清夢

智凝上人新闢睡軒

太虛爲燭朝霞爲靑碧山作枕白石床何處不以浮幢海
水澆煩腸昏昏且飲且田獵擾擾生死百千場內觀芭蕉
不實之乾殼外眎枯棊颯颯如風狂定心不起河面皺彈
指幾見海東桑付與花香日暖春睡足醒則寒碧一勺無
羲皇我聞韓公耆甘寢慢膚汗漬琉璃黃又聞半山製方
枕露氣沁入泥丸涼定林壁城南莊世閒游屐不可到竟
莫導以亡何鄉禿翁晚出復從二公謀一醉醉倒熱然枯
木形影諧適兩相忘

訓洪右臣給諫朱鼎父著作

腐芥珀不拾霉雨荷不溼甯違流俗人意氣不相入所以

一月中笑口開不十窮官念骨肉風煙阻原隰飢驅朝出門暮歸百憂集兩侯忽過我如渴得美汁劇論開屏顏夷塗解接榴中庭無佳花酒戶亦不給浮陰暫欲霽風勢吹還急不如陋室中步履時見及名理餉春膠幽尋窮勝笈常遺飴蓬心華池丹一粒

題洪大詩集

觀身如枯木乃出風雷心世事困蟻鬪

君兩耳俱聾

道筌樂淵

沈牢愁三楚塞急景一春深疾惡剛腸在不愁華髮侵

細雨

小窗明滅夢痕輕江柳江花未放晴細雨如煙初葉嫩客

中渾忘過清明

故提督陳公

國瑞

湖北應城人敢決善戰同治初立

功淮潁閒曾執摯受書于孝靖高先生介胄之士而折節韋布其爲名將宜哉後緣案謫戍黑龍江庚辰俄事未決南皮張公材而薦之於朝未果用聞其卒于戍所也哀之以詩

聞鼓時危思猛士藏弓運去悼良臣黃金買骨空傳畫青史留皮已失真塞上波濤能助順草閒狐兔久成塵諾尼江上傳芭舞劍氣沈霾闔不春

便房敢望祁連冢弊蓋猶銜

聖主恩舊賜園應歸牧豎常乘馬尚識邊門淒涼部曲
長陌寥落妻帑蔽短垣沈魄招公何處所欲傾淮水入金樽

柳白沙黃雪沒鞞短衣宵獵醉胡訶隔河牙帳非唐土出

塞唇吹閒楚歌餘技屠龍傳韎鞞雄心鬪蟻笑檀蘿君初羈管

江甯府鬱鬱無遺日資乃市肉誘荒園蚍蟻數萬角鬪以爲笑樂赤蟻有大如土蠶者異時嗟賞知

天語颯爽追圖老牧頰

答人問京華耆舊

同光耆舊誰最賢李公尊詞翰周公苒農筆梅柏峴邵丈位西

而後接斯人風格蕭然存野逸君不見薜花朝露不須臾

有味何如操藝術古人真意且休論試叩二老瓜牛室不
惟名理解糾紛但拾談諧興廢疾列朝文物此遺餘世事
雞蟲何足恤

馮夢華失足墮溝中作此獻潮

馮君剗皮貯陽秋濯足懸水昆侖邱歛奇厯落不一遇晚
得鄉貢隨常儔雖然身不滿六尺腸胃燥濯徧九流楚然
肯來玉桂國一空麟植笑皇州平生囊捩溝洫志戾陵邊
上搜殘螿朝探萬柳堂頭勝夕飽雙松寺裡游建章門干
戶四達研京老筆窳瑠鍤神奇寔淺無不有君乃覲以弱
豪收湫神巷鬼共排媚謂此爪嘴將見讎上都久乏巧言

語蛙聲里耳安於偷君來萬物困陵暴無術犒以千頭牛
姑施狡獪泥阬辱若曰注杵壺投籌翩如墮葉下崖厂瞥
如流彈穿甌窶子雲雅好三淵觀潛地而地猶斂鉤況此
蹄涔一勺耳竟亦欲以臥矩求吾閭陸湛古有道抱石毋
乃申徒侔或云犧尊將薦廟諷君全木藏于溝不然期子

息聚訟溝合漢宋毋相訛厓家中西各樹幟溝通有待談

天騶

君兼通九章算術

世閒語弄不得避違恤辱并髡啼鶯須與

街卒負公出襦衫了鳥行中馗脫衣旁魄晾繡笄先生笑
壓茅柴甌世緣例不擇清濁盧水何異方池瀏我謂君匈
泉萬斛劉輿之膩那得相軒溲得官夢腐古恆有水厄詎

足煎煩憂忽聞

下詔徵奇士不許江南狎野漚

偶題

四月二
十七日

獵較心何好羊亡失亦均支離營一飽垢淨幻三身黃飾
溝中斷青餘爨後薪濁泥終不染飛翠轆清塵

長句八韻爲縉雲王母壽

石梁菌閣一千尺枯木龍鍾三十年疊穎蔚然迴晚翠寒
花聖處謝朝妍艱辛齋日持門戶圭潔縈綺奉几筵歲儉
鳩形爭受穀冬鵠結待施棉重支精舍居頻徙高泐清
臺譽早傳成立端知茅季偉辯通不數趙津娟節甘雲子

嬋娥地酒灑松肪切利天好使丹邱陸景駐長生有籙正
新鵲

夜起

竹閒殘雨猶滴漉竹下溼螢黏一點蕭然夜起無一事何
漢敲斜波激激槐中萬蟻戰方酣井底四蛇眠未嫌清露
霑衣還入扉曉風欲起城鴉颭

夢中作不知何解姑書之

潦倒尋花中酒客髮髮題竹苦吟身黃鸝去住戀情畫名
與身今更孰親

頽牆下枯竹復活

積潦短垣塌天刑鑿龍肌交柯相撐拄高節筮明夷昨夜
雷雨至忽赦斧斤遺陳芟茁潛穎枯肆發新枝靈均適樂
國壺邱迴溼灰物理誠難測顯晦固有時

送松岑赴戍所

此別非他日蒼茫一語無夢躋雞塞險風送雁臣孤去國
彫霜鬢全身遠禍樞寶刀終欲返韜養待時須

夜讀柏峴山房集

不模不範溪山眞滅鑑削迹孱顏春筆隨意曲家人語長
慶帝睡成一身卻思弊帚悵然失摹古獵似何不倫君不
見麻沙宋槩五銖贖往往貌合嗤還神何如老翁攜幼孫

扶筇覓栗情相親，柏峴去今裁卅載。因緣句律覲其人，慈
祥戲謔態度新。松風屋山動鱗鱗，何況當年同社客。資梅
澗姚相逮，津郎中消人已意豁。惜抱所養尤深醇，黃梅一
勺漑能秀花葉。各具核中仁，吏曹巧拙不須問。獨娛文字
療嘔呻，動吾天機落人事。食息隨俗中，難陳居心淨。識寥
天碧世故能，令目眇昏寒。鐙無花得聖處，夜來清夢斷車
塵。

臥聞吹笛

長笛一聲出煙霧，穿我薜階青竹叢。渾疑夜舫泊浮玉，敲
枕江濤浩渺中。

寄辭十八

枉君容膝瀨齋中三月
惺然榻已空
囊水買田無限好
門前紅稻一絲風

知憶諸甥笑語譁
攀衣送別又天涯
兒童不信淮南遠
騎竹明朝迎舅耶

秋日書感

古槐晚花猶弄姿
秋光明媚入疏籬
一樽綠酒不成醉
九日黃花相與期
短袖欲迴愁地狹
枯棊不定笑官枝
休嫌疲馬趨公府
左輔流民採椽皮

朝傳海外割龍編
飛輓愁侵絕塞煙
市舶未聞填漏壑
度

支何事算緡錢珠厓憑阻誰訶敵銅柱荒涼更議邊無限
故鄉魚笋好歸心欲買富春船

漆園

漆園吏傲身將隱沔上聲銷語轉諧觸處似人皆可喜如
卿所論亦良佳松肪明滅書殘架石髮縱橫葉墮階漸喜
市塵吹不到叢篁圍處結茆齋

送楊雪漁使黔中

柱史雍容似貴柔誰知皮裡富陽秋已探岫嶠穹碑勝

去年

君使
湖南

更考牂柯剛水流刀布興儒人自化龍虵鏤壁石應

愁州民喜得尹珍好載酒車前問不休

重送潘孺老

東坡道人落僮耳爛占春光作上元況公一棹蒼海去絕
勝卅年金馬門桄榔林翠秋供杖荷芰衣香冬自溫鄰曲
相迎驚健在安排新社會雞豚

霜松閱世飽經風炊黍功名一笑中幾見神全市朝隱要
看沙碛海桑空不須陌上摩銅狄迴望昆湖漱玉虹投老
出闕居者惜留書強爲駐忽忽

壽昌校官楊丈年六十詩

天台有逸人卑栖壽昌縣輕策萬年藤來興六藝院斯邦
雖僻左山水殊峭蒨李頰與翁洮秀語開笑電湘煙句頗

妍枯木名亦擅學官弟子誰蒿棘士風變妙手披采工春
蘭空谷見近聞攝兩齋頑金區冶鍊桃隸秋得陰藜床坐
欲穿芳風被汀洲粹盜無可揀有子良史材採詩將乘傳
何異劉凝之神光牛背善道原東觀居因之綵尊薦潑醅
新安江渥丹黃綺面

棗花寺

海棗花何處禪房氣沈寥秋來石幢雨苔洗金源朝林影
曙疑碎池光寒自搖閒將樵共隱適志且長謠

芸舫乞病歸吳江追送不及悵然有寄

中允氣如春景晴焦先洞口憶題名清塵濁潦十年後雁

集鳧飛何日并初服遺榮唐祕監棋冠去職漢儒生

君以兄喪

棄官持服朱霞矯首望不極落葉滿衣空復情

垂虹亭下艤輕舟招隱懸知多道流送者返崖君自遠儂然卻掃我空留丹楓暝色人千里珠樹巢痕夢一漚襟帶

林泉好穿築宅圖他日 敕工求

种明逸事

次韻子培古詩二首

枯槁不澤物儂然意安之不能雷風變乃競珮絺辭閉門無堅車何由四極馳羊質蒙豹隱欺俗博一窺少誤壯知悔白日趁靈羲深甯鋋盧殷徒用資爲詩刻楮炫流別腥臊出神奇春華秋不實葉落長年悲沈子門祚厚勁箭謝

扶持深耕啗鹵莽，饜及來茲魯叟席。不煖禹墨勤重胼，安得制河鱸。一振赤縣飢，或排蒼闔雲危諍。國論非清角，陋子野草書。賤師宜研精，無世益二豪者。何知中流有維楫，何戀荒江湄。

六籍穿孔壁，一鶴鴉堯年。道與世交喪，形臞神或全。狂濤吹金石，人文傷眇焉。室有義皇春，浪騁非所先。何堪山木寇，自伐芭蕉堅。淪冥睨危奔，汗漫遺空罌。時來効白羽，強起穀黃肩。秋水淨可釣，危峯挂檐前。山林舉壤閒，意行快所便。邀子檣梧隱，元關叩幽鍵。

兩蒼將卜隱田盤山戲贈一絕

他年招我劇雲局許割盤中一半青
真欲短衣看射虎更磨崖石待書銘

漫書

長孺何堪伍刀筆小生真欲吏朱雲
猶能蒸菌出諸瑞誰遣據梧張一軍
山薯登盤沁腹蠻藤穿枕瘴生紋蟻宮
或夢剖符竹牛飲何時聊策勳

寄山中道流

萸泝秋來霜落池栗園山鳥啄皺皮
還能玉札寄幽事時遣松根鑄小詩
白石爲糧蒸似芋青楓又脫鬢成絲
舊游禽向知誰健短咏羊何一和之

雜言

敗葉將飛更舞迴
眄青柯獻嘲玉顏階
下童子掃葉和煙
自燒

又

久竹青甯懸霑朽
瓜白小生池各適
天光甕裡物化疇
能測之

又

鳥哢風簧細細雨
垂簷穀疏疏
移中誰陸湛者柳
下非朝隱歟

又

慘慘雲橫欲雨蕭蕭風急催寒何處翠帷暮卷華鐙醉舞
忘餐

悲日南三首

悲日南漫漫三千里那復貢丹沙誰爲馴白雉

悲九真白骨亂如麻名王輸作虜壯士化爲沙

悲占城草木有餘腥炎洲無漢臘絕域隔中星

尊老見示重九棗花寺集送孺初詩奉和一首兼以

寄孺翁

古人有幾佳重九椴佩萸囊催白首差仗溪藤栗尾靈留
題蛻跡知誰某近來筆妙推李侯無言飲和則潘叟會稽

箭竹句漏丹意氣相傾良獨厚我游其閒時有得窳奧各
自開庭牖枝官二妙頻解頤藤榭雙扉從載酒叟行欲去
瘴江頭士賤誰知耕谷口且卜城南文字飲戒救跛奚廚
傳走白紙坊荒柳河涸樛疏村落依榆柎厭聞世語尋蕭
寺地僻打門驚竹脚朱鼎父梁節庵黃仲弢沈子培東南

美野服墊巾懽解萆畦丁裁課鴉種麥載祖宜歌魚貫柳
興來酒半各登臨眼界穹窿齊培塿不知瓴甃有金元蘇
剔唐碑字剝黝叢殘度閣修多羅龍象於今亦何有劉濟
捨宅華堂非嘉靖緡經薪火守撞鐘伐鼓壓城闔繡褫錦
贈簽信受道場繁盛今寂寞金碧照耀俄塵垢榮觀代謝

猶有時吾屬升沈良亦偶惟應剝落餘眞實朽壤生芝泥
圻藕滄海橫流行路難那恤弊衣不掩肘夙心豈受惋黃
塵浮世從教幻蒼狗他年一笑光範門大隱微車起林藪
李侯遺簡長鬚來朱墨方嫌龜兩手燈暈塞門風力勁萬
里挂帆無恙否卻愁羸卒抗長城瓦礫應知嘲在後

簡王弟卿

壺中日月氣旁薄桃左春秋名倜奇發攜玉杯今屬子依
隱金馬知爲誰一陽潛溫柏冬日萬槁爲我迴春姿趨曹
華髮有蕭育束縛深負平生期

座主禮部侍郎張公挽詩

湖光山色謁旌幢，久媿蓬茅擢芷苳。便坐經須崇口授，溪堂詩約澁心降。俄聞木介官憂達，不遣金穰歲守邦。力疾遺章及邊事，碧雞何日返銘杠。

招胡繡山

時君自琿春入都

雪卷龍沙荒北徼，霧含蛇草翦南陲。孰居無事推移是有

酒呼君斟酌之足爲弇中刳木繭手因冰上作糜龜

莊子釋文

一作居危反相逢一笑驚蒼瘦，試說鹿牀風土奇。

使鹿部人以鹿駕冰牀托

載其行甚速

登城野望

山河四戰壯哉都，大漠孤煙遠欲無。魚鼈日微煩壤敞，驥

牛一櫪豆田枯墁城風捲笙竽響陰壑冰生虎豹鬚迴望
蒼蒼五陵暮危峰樵路石盤紆

答張仲模

近得金華郡將書疏麻歲晏一華予使君難穩工新鑿著
作林甘手自鋤高李壯游雲散後幽燕寒閣雪飛初此生
會向蠶耕老欲作州民買墅居

竹影

朝雲解駁漏窗光瘦竹一枝寒弄日幽人何自無特操綠
煙離離若亡質非真非幻中有物浮露掩之悵然失

次韻答希梅

用蘇集均時同治國
計簿注者督趣方急

官書如束笋作程已強半卮漏非一孔絲琴徒三歎經時
轉迷悶欲服千金散日費膳雞雙素飽恥空伴散吏無町
畦強拘讀城旦嗤予支離疏謬誤可并按驚波揚更渾敗
髮櫛瘡亂君乃工細書如藐姑初盟誰爲顏羽銳自媿安
于緩劔新干牛降鏃勁一蝨貫諸君挾堅城鈺僕怯且悞
寒節迫陽生疇權鐵與炭大句欣我投盞於我乎館城南
理輕策花窠蜂房暖物外覩眞游浩歌聊一粲

廢圃

偶出敲斜穿小徑破籬誰氏恰宜亭殘畦瘦菊揚官紫一
簇修篁擁帝靑洛下無園生事急牆東有酒道人醒作碑

錢倩何人送買圃聊治編葦局

畏人

乾笑冷官魚上竹休噴疲吏馬牽曹畏人役役常多可避
世冥冥亦自豪折簡茅君餐臘粥準衣薛氏乞春醪紛紛
國論喧虻雀迴首煙霄損一毛

適俗

漫矜能適俗久乃喪吾真耳聒三釜濁心期一壑親

戲簡子培子封

南城地勢何所似鱗甲千檣劈高浪君今新居踞龍尾喜
得西山拓屏障坡陀起伏作波濤叢荻蕭疏時一望道旁

擔夫相汝爾眞俗參差誠兩忘無酒開顏意缺然築堂背
郭豈誰餉長安國工囊掃苓方與雞靡迭爭王聞君亦蓄
千金藥乞取吾家甕頭釀

將掾于典客署書懷三絕

無功方欲辭丞簿阮籍何心乞步兵風篠一回招陳雀腥
膾餘粒強偷生

甕中天大醢雞鬪劍鼻炊危腐鼠殘自掃林衣供鸞酒打
窗風急敢求安

紛紛藉藉百年人何必危機始損神乞得長腰一囊米青
燈黃卷卽閒身

瀨齋偶題

堯外臣由東鄰采椽作食椴供薪以逸自名長苦辛何如
剝心事天真處蔽若瀟醑爲醇目冥介邱耳不聞雷震千
年枯木當簷皴伏熊夜蟄禽朝伸雙丸隱見宿我南窗頻
天光無窮出清新竹鑪茶銚形輪囷裘穿絮補花如銀杖
頭行沾澆青春香稷作糜口流津釘盤時刊江南麟先生
食飽圃一巡黃菘甘肥妃醬屑宿齏旅麥穿籬堦蒼官左
右故不貧門前剝啄長鬚謦兒童煨石苔翳筠一堆蒼煙
搖清晨里有谿工將我賓欲往從之寂寞澹談空說有難
復申夜歸紫磨方升輪道逢喪喪喜似人浩歌康哉几蓮

民

咏道旁廢池

蝸負殼行蟻隨丸轉塊破黏萍泥漚觸笕何日雨風一洗

蝦蜺浴鷺風標橫波清淺

時爲主客
曹掾吏

閒居瓌述二首

庭下刳心松抱寒青不死雖非梁棟姿常懷巖澗美蕭然
生氣全妙理寄一指物論徒紛紛公平虻雀視誰將煙霧
筆寫入生綃裏

瀨齋虛且明不滿一丈強渾如十斛艇買卽繫籬旁無水
不憂沈處涸挹天漿今之隱几者何埃夢軒黃有時龍蛇

影風動牆陰竹午寂市聲遠朝煙廚火宿俯仰有餘懽不
須家釀熟

有懷蓴老

聞說帶圍移舊孔三旬九爨閉柴荆豈知鱗甲胸中有更
挾風霆筆下生花亞紫藤燕市飲葉飛黃槲越鄉情每懷
閭巷經過熟甚欲遮留碣石行

君方應問津
書院之聘

東廨頗有竹樹假山之勝顧而樂之

浙東州宅情雖異幕下參軍語且蠻亦有千竿紫一壑還
如履道里中閒

寂寂

集唐人句

寂寂竟何託欣欣物自私微陽下喬木宿鳥擇深枝束縛
酬知己雕鐫出小詩人煙一飢少相近竹參差

馮侍御西山探梅圖

城市念林壑不能肖其真厭喧課寂一消豁捫腹已拄干
嶙峋看君妙寄用幽意點綴不待生綃春羊裘偶著卽長
往醉中自署由東鄰西山招邀如故人十松九禿龍無鱗
人閒此境甯易得芒屨衝雪無纖塵梅花何處動清興定
中枯衲了不聞夢游磅礴筆不下凍泉琴筑鳴溪澗覺來
翠羽聲亦寂遠香漠漠三家村前峯荒寒去安極獨立縹
渺遺其身林迴谷轉無主客賸有怯月窺金尊藐姑危立

山骨瘦萬木偃臥蒼苔皴不知人外籬半掩坐覺翠微煙

已昏光福崦前白鶴飛邠廬穿築淨暉暉

年文林一先生
勝著書之屋日

校邠廬

朝隨丞相車茵後胡不角巾東路歸水流念念朱顏

改花發垂垂塵世非借問百函邊瓊趣批荅何似短策攀
翻尋釣磯應勝披圖強搜索山靈笑客換羅衣

歲除獨謠

人海只宜容芥子春城更許醉風光旋標腳氣新名集戲
署頭銜漫作郎最喜飯香邀日密猶嫌杓祝擾庚桑新煙
新火桐溪路爲問梅花合過牆

浙西村人初集

詩十三

甲申歲朝試筆

尊老將之析津作詩送之

贈子培

寄座主張中丞

宿東廨書感呈張副都

佩綸

尋春三絕

又題一絕

戲簡竹簋侍講

贈同年樊雲門

閒庭鳥下

頽寺一首

爲雲門作

次韻竹簣送陳伯平同年出守大同

西軒睡起

寄懷從外舅辭先生江上精舍

二月十三日自庵公生日雪

謝方勉夫惠柿霜

子前致雲門書有以樊名寺之戲君將出都因復贈

之

閑門

無錫秦公下世

以詩問鼎父寺寓海棠花發未將攜酒過之

海棠已謝

詩後別題三絕句

望西山

松生爲買書甚多遠致京邸以詩寄謝

聞樊子游豐臺看花

送雲門

贈辭叔韻同年分巡浙東

寄張學士閩中

哭表兄王芹父

何處迎秋早

東廡三絕

寄尊老

答尊老見贈詩有一臺二妙之句

感秋一章呈子培秋曹鼎父侍御

秋日思鼎父

窮巷

龍泉寺薛荔牆

游土山口號

送岡鹿門處士歸日本

李將軍餉子佳柿及梨云自盤山攜來

重送岡君

示兒詩

題徐亞陶環翠軒賞菊圖

謝洪給諫

楊心貺銜使江西作詩送之

曉坐東窗下漫題數語

嶧縣王君六十壽詩

代

憶山居吟

瓊瓊

水仙

寄松岑

東臯子

十二月十三夜月

寄鄧鴻臚

漸西村人初集

詩十三

甲申歲朝試筆

豔豔梅花澹澹風龍鍾卅九已成翁城南徧訪金元寺薄
酒消寒試一中

卻思諸弟我心惻還攢丙舍松毵毵九十六鵝煙水好春
人無限憶江南

尊老將之析津作詩送之

李侯一去觀滄溟京洛翻令少顏色我亦疲牛畏鞭箠雨
滑泥深耕少力越山花開招我隱園池未築何方息夾水

誅茅心已馳，擁毳暫暖計。良得求田不畏元，龍訶長揖且
解平津惑。老知蘭陵厭游齊，那恤鄭學怪行北。會須汲澗
飲山光，笠屨相尋鑑湖側。

贈子培

沈子佳，鼎季小園能養親。囊羞樗里智，芋課杜陵貧。宿麥
無心紫，崇蘭自在春。看花陌頭去，試訪儂牛人。

寄座主張中丞

孟縣與沈溪古之英雄人，青天埽氛霧，眇理出腐陳。當其
布衣時，笑談虞夏春。及夫挾雲氣，漠漠資眾鱗。郊湜張呂
輩，後先疏附倫。精誠未出戶，已作崇朝雲。後來發冢儒黨

朽傳枯薪不悟權實妙功用乃如神中丞抗古懷與道爲
拙伸蠶器非一藝鉤湛非一津窮年徑寸膠持牒萬古渾
拳曲無棄材始知匠門尊夙荷夏屋芘稍令春木屯政學
流久別將復疏其原歲行集金穰納陞依鉤陳豈惟戶知
祝畏壘耕桑民礪礪老于事養氣吐納新我思諸老先慙
世何殷勤今懷事大臣逸軌履前塵樽散甘谷口廓清仗
賢仁待築城南莊考槃武夷鄰竹影弄碎月溪光投巨緡
室有媚學徒階無諧俗賓波流芟綺靡術業馘遂醕願聞
文字緒箭筈別開門

宿東廨書感呈張副都

佩綸

鍼孔藕絲渾未定，強教栖泊瘦吟身。
青天蕩蕩喚誰補，碧海蓬蓬行復塵。
偶著小冠呼子夏，何如中簡校師春。
短蒿差幸喬松倚，得睹淮陽學禮晨。

尋春三絕

何處春生紫陌暄，酒人襟上淺深痕。
年來已識園丁面，依舊東風綠映門。

絲絲柳眼欲搖春，怯怯花房更斷魂。
客子花前今健否，路旁幾度換朱門。

朝陽門頭芳草地，瓦南街裡放生園。
朱顏綠鬢迷人眼，且醉花前臥竹根。

又題一絕

鈿車如水起清歌，爭奈流雲欲去何？送盡南朝北朝客，何如江上狎漁蓑。

戲簡竹簣侍講

城南花市倚春晴，塵欲生波蹋翠行。晦迹知君習朝隱，雞林悔客已知名。

贈樊雲門同年

珠鈴家世出河西，楚國才名孰與齊。白雪樓中難買價，黃金臺上徧留題。無情碧草稍還燕，草喚夢聲先斷越。雞且向樽前鬪，身健花茵並臥醉如泥。

閒庭烏丁

醉吟隴種依蠻府
疲隱蕭條強鶻冠
偶見空庭一鳥下
忽思敲枕聽風灘

頽寺一首贈雲門

頽寺不知名
乃以君故門
前陽木禿窗
隙風花度
眠亦不知晨
西齋淨初日
物論方蟬噪
至言應畏出

次韻竹簣送陳伯平同年出守大同二首

與君裁邇幾日雅
忽忽送君千里行
諫疏爭傳姚十事
吏才還似漢三明
冷風幡赤辭金闕
近塞花黃擁雁城
莫道只量牛馬谷
使君到處看春耕

不憂朝隱計蹉跎並世憐公絕唯阿丹鳳城依暄日永夫

夫太

人就養京師久樂其風土遂留居私第

白狼堆望好雲多龔磨更事才難盡

遺補收身鬢欲皤當制行趨

嚴召入莫投蒸水狎煙

叢

西軒睡起

石罅未出雲木顛未作花頽然相枕藉萍塊黏枯槎春物
一未具青陽始萌芽似聞遊禽語欲倚谷爲家曲肱偶聽
之窗光弄橫斜夢雲無起滅肝石有槎枒稍看西岫景欲

變東闌霞

坡句肝肺槎
牙生竹石

寄懷從外舅薛先生江上精舍

簿書羈絆厭相仍北阜南屏憶擔簦
少日青山如夢寐晚來道氣絕
樊乘雲粘舊蘄鷹攫艸花發環滁
鵲點藤出世法中師證早求田
應許避時憎

思憑服食問輕安逸棹虛舟泊講壇
入世久知緣自障尊生漫擬乞餘
丹春巖張飲松梢潤野衲清齋石
磬殘記向烏龍潭上立池光嵐翠
兩餘看

二月十三日自庵公生日雪

南窪何異清湘曲西岫明於紫蓋
峯摘葉寫書忘去住推枰觀弈亦
從容筍鞵健不資雙杖梯几恩方
賁九重春入酒杯和雪豔漫天花
雨欲相從

謝方勉夫惠柿霜

春風病齒酒腸妨
酥柿函封枉見嘗
冷碾蓮房玉井雪
題分柑頰洞庭霜
不廉久媿蟲穿李
平躁還除蠹潰糖
服餌擬將鍾乳報
織綾紅袖待添行

予前致雲門書有以樊名寺之戲君將出都因復贈之

高言驚四座未若瘖無聲
瑠鐫有涯身不若游無名
有名信爲累無名乃全寺
幾見人閒白壁墮不見寺頭蒼瓦碎
宜川雖僻縣父老迎嗶至
山城花發秦人游村酒竹筍楚
客醉我願化彼千仞無言之石壁
導君蟠挈鬱律題名字

閉門

喧寂都無據閉門差覺尊未衰從肺病隨意臥籬根玩世
白漚好課兒黃犢奔醅釀開過了取次棟花繁

無錫秦公下世

昔者蘭陵惲子居尊公時枉下交書

謂小峴侍郎先生

自慚弱植

輸先輩亦以州民忝後車雲林寺憶尋山屐風定軒開講

學廬諸老輟音空後死栖栖薄宦益愁余

東城精舍有風定軒高孝靖先

生主講時手署也秦公後亦主斯席

以詩問鼎父寺廡海棠花發未將攜酒過之

十年欲以倉爲氏坐厭尋春三月尾朱侯筆頭亦屢乾蕭

寺慵寫烏絲闌入臺聲名將鵲起抱邾姑與蝸爭安聊得

一龔共諧語

厚田孝廉

旅愁浩若乘風湍笑子賃廬不一畝無

錢買花門少柳支離陌上噉風沙誰氏林亭供載酒羨君

精舍且消搖古衲種花居士有佳花安知與客雙樹亦含

情欣得偶朱脣翠袖何時出銀燭籬門思一扣長安弈碁

那可論閒官養拙天所厚烏噪蜂喧又一時露初星晚誰

採取

三月十三日朝廷有大處分

刪除流落天涯感爛漫從追甫白後

定惠院中無一事小蠻榼待攜紅友舞衣纈眼幾春風不

嫌唐突花前否

海棠已謝

浪憑花事繫餘春，無那風狂一損神。
已妥殘妝猶照水，更攙飛絮欲成茵。
遨頭酒薄不成醉，刺眼綠肥無數新。
欲挽東皇衣乞取，又障娑竭海西塵。

時拂簾尋盟事
將中變故云爾

詩後別題三絕句

壁枯响沫蝸難住，梁圯銜巢燕欲迴。
風定亂紅飄砌滿，傷春獨自坐莓苔。

漫云多壘非子恥，祇覺無謀私自憐。
未要春人繫鈴護空令，中酒落花前。

嘲厓辱嶺望淒迷，煙外山禽不住囀。
惟有池南夜來月，寒規不沈濁黃泥。

望西山

長安塵蓋中時見翠微峯人向沙邊歇山於世外逢

松生爲買書甚多遠致京邸以詩寄謝

先祖手澤古籍儲以卷計者五萬餘丹鉛雜下勤勘摭初
花萎葉蒔且梳府君斥田續藏弄伯叔誨經環一廬雜年

之難厄林如今存千一珍璠璣墨妙猶新手楊黼

先大父藏書後

析而爲六辛酉壬戌之難今惟藝海珠塵及漢魏叢書數
種猶存大父手署遺迹幸完好不肖將挾藏之家祠比

于宗器猶憶少鈍不知書但抱長鑱掘芋區時窺諸父礪且

儲山樓燈火青窸笈今乃不聞長者言啣噓嗟失義方迷

厥初掾曹竊食雀鼠居飽更憂患慵胥疏聊資插架或開

余那能道德供獵漁廠市門攤頻接正所得非實往悔虛
球時泔緝方誰胥安用糟魄瑤蟲魚徵君藥我忘我樗起
其廢疾投瓊琚知我貧無十人精爲致卷軸充連車君家
縑竹埒石渠出其一鬱磨千夫我如疲農舍賴耨嗇愛心
氣年光徂鞭策不能瘳詹諸牙籤錦暉照窮閭傾身障簾
徒區區負公雅命慚終孤

聞樊子游豐臺看花

南風漠漠吹沙塵飛翠鳴鞭照水濱寄語名花好裝束看
花中有丹邱人丹邱人將西入秦手採芙蓉玉女盆莫使
豐臺顏色賤爲留醉墨粉牆新

送雲門二首

散仙忽漫投荒縣，惜別臨歧不自勝。縱倚才能賦枯樹，索
何人共語寒陵。弦歌聊爲治三徑，卜築行招策一藤。相視
中年宜隱去，越溪吳岫看霞蒸。子與君同丙午生，君楚人，
雅愛浙西溪山，欲卜居之。

寂寞詩人元裕之。裕之爲內鄉令，
年政三十九。新齋待翦浙江芟彫鏤。

嶽色張雄句，驅遣河聲入肚辭。高士居之便清職，天游無
礙復何疑。千年華表重相見，不減名山冰雪姿。

贈辭叔穎同年觀察浙東

十年范蠡祠前見，世事摧遷不可窮。老我蕭疏空戴鶻，看
君談笑得憑熊。異時灑落昌符會，幾度銷沈蠹簡中。便欲

東游依幕府飽看濤勢撼山雄

寄張學士閩中

雲浮冠蓋長安陌不抹東維地將圻漢朝羣公發蒙耳萬
乘翻爲四裔役殿前儒生無幾人知君心如秋月白早陳
閱議制陸梁蟻滿金隄良易塞數行書逐武溪葦一點烽
沈南詔驛張喬祝良不可得數貢徵圖斷重譯 禁中動
顏容 廟略內官傳 詔問奇策方將跋版出縱橫
坐見指麾收履屐一朝直言不安席去作無諸臺前釣龍
客空持使節護樓船不遣兵符摧大敵上岸馴犀犀欲脯
入水斫鯨鯨未腊自披忠信格天閭那恤波濤濺儒幘侯

生老尙抱夷門從事中郎懷舊恩未向并州干越石卻思

朱亥驂行軒

謂陳文
祺述行

腥風瘴霧有時豁橫吹鏡歌迎吏言

行

召弱翁爲內相歸旗清雨洗清樽

哭表兄王芹父

危根羈京國浩蕩難倚賴親知久去眼伏臘渺權會况失
同門友秋蟬嗟忽蛻夢想一茅茨飛泉鳴石瀨方謀就盦
耕乃遽決疣癩超然脫世羅噫氣付地籟舄攬存者悲淒
其望煙靄

君母我之姑我姪又君婦先公館晦村從游君最久長
我二十餘游釣辱我友秧黃溪上田芻碧甕頭酒暝吟山

寺鐘霜翦坊郭非笑言我父兄攜登白茅阜詩成譏朔
瘦羸牛嘲墨守自從喪亂來此樂甯復有田園燕不治皮
骨浪驅走痛思少日懼卜鄰期白首吾兄昨書來朱陳重
議媿我喜輕欲旋先公雅所厚焉知旬月災姪未拜威
舅門戶復誰持甥能成立否

燈誦桃源記雨暮歸來詞笑謂晦村幽潭洞頗似之祀七歲隨

侍先公讀書晦村仿作歸去來詞一首自是始學爲文冉冉竹緣厓瓏瓏花覆溪平

田釣蛙龜憶我七歲時君懷澹遺世略近劉麟之一冠十
年易一斛三句飢君雖不作詩頗游陶藩籬惟我艱文句
何苦槎牙措丁丑訪君家信宿池南窻願謂欲手寫摘我

詩癡疵此語竟未踐子衰句無奇君應達觀生偶拈自輓
詩子無與爲質飄泊將安之

何處迎秋早

何處迎秋早東臯處士家紅蓮十頃稻紅藕一川花得意
蟻銜果忘機鷺倚槎捲筇煙外立未醉面生霞

何處迎秋早陽巖結茆屋昨來丹邱客暝就西齋宿竹下
酒盈樽檐前雲度谷朝辭采藥去坐我虛窗獨

東廨三絕

堂深樹老吏人稀夜靜時聞蝙蝠飛隔屋疏燈坐看壁還
如漁火向江微

庭莎汎綠一叢叢昨遇園丁薙徑空我自無心倦游客衰
榮總付碧翁翁

蜀葵幾日落還開紅紫紛紛鬪頸顛何似庭楸百年物腹
空生菌臥蒼苔

寄尊老

百年詞章有盟主前宣城梅

謂梅柏峴
郎中曾亮

後越李翦藎甯知

雨與風彈琴自識成兼毀歌舞高臺日易昏騎驢更欲適
誰門下簾箋易紅塵裏誰識神仙梅子眞

答尊老見贈詩有一臺二妙之句

敢云二妙湛冥其浮世雞栖亦可憐一髮青山鑑湖榜千

村紅葉富春篔解龜賀老名俱逸投嶼方千句浪傳倘許
聯翩招隱去不辭相逐水雲天

感秋一章呈子培秋曹鼎父侍御

豐縟向標靈羣脆苦未識一朝秋氣盛始恍涼風逼林衣
實微黃當時好顏色欲求曙戒方先外通與塞高邱厲脊
征夷塗詎遑息息則生戀心喪汝邱陵德我亦蒲柳姿畏
被浮榮飾自得二友賢微言消我慝正賴兩石閒橄持孤
松直堅車匪夙求峻阪何由陟願垂冰蘂言弱材庶剛克

秋日思鼎父

抗延輪君直淪冥自不疑一奇空拄腹四序畏奔馳兵氣

連蒼海天全問紫芝感時餘涕淚削迹敢忘危

窮巷

負米小園何可得著書窮巷索清娛
歸孤忽已生白髮留滯相看非壯圖
東溟鯨牙豨未拔北山松鬣青不枯
歸田乘障兩無著空抱大樽浮汴湖

龍泉寺薛荔牆

蕭蕭策策穿斜日獵獵鱗鱗弄晚風
卻似秋江楓葉赤迎霜一半鬪玲瓏

游土山口號

誰謂土山小超搖似冶城偶來穿磴上
旋覺振衣輕古木

紺垂髮秋花珠綴纓後期誰語此放目有高明

送岡鹿門處士歸日本

昔聞海上如瓜棗今見神山餐玉人黃菊味原如紫柏清
秋調欲變陽春著書瓊島成真逸執戟金門寄病身倘許
東游訪耆舊欲將槎客斗牛津

李將軍餉子佳柿及梨云自盤山攜來

李髯饒奇策探十每得九晚乃出其餘種果儕郭叟生物
盜天機長鑱劓林藪青縈連南疇紅皴堆北阜昨從盤中
來貽我實如斗忽驚頰虬菴輝輝日穿牖張梨脆無比持
以佐卯酒霜皮嵐氣酣露葉筠筐覆爛登居士盤遠見公

意厚餘甘陪臺權靈液童稚剖辛勤得一飽穰熟天所右
想見山中人含津養色壽坐享千戶封何勞萬鍾受吾亦
篤好此行規橘官守劣書慚來禽姑用報瓊玖

重送岡君二絕

萬里煙濤接窈冥蜻蜒洲樹遲歸舫誰知野史亭新築逸
事流傳仗客星

君所著書皆述東國近五十年中之事自勝其居日艸私史亭

水仙雅操續微茫此去名山闢講堂擔得西山雲滿笈散
爲花雨灑扶桑

來時術游翠微潭
柘諸山故云爾

示兒詩

敬可藥百病靜祛諸妄心欲求千古業須惜一分陰浩氣

生不滅危關人與禽首基崇小學吾 祖有藏金

題徐亞陶環翠軒賞菊圖

同曹鷺食逐餘梁卻愛東癡作散郎醉裡不嫌官長罵歸
來採菊作饌糧

玉川屋破只三閒那有層軒積翠環不放一塵侵竹几自
偃花影寫青山

訓洪給諫

黃岡竹日淨暉暉老戀 君恩未乞歸石介方欣奸脫距
賈生又痛國生疵三杯白墮澆公直一卷丹經瘵我飢無
術膾鯨思遠去卻愁蒼海埤塵飛

楊心貺銜使江西作詩送之

君才劉穆干函捷我比宏農嘯更慵自適抱關甘澗落欣
看乘傳去雍容漁陽麥潤隨車雪廬岫幢迎挂瀑松上冢
過家應乞取延津相待有雙龍

曉坐東窗下漫題數語

研池烘日冰旋融菊影凌寒翠猶鞞車行素壁疑撼搖答
寄黃甘重包裹寒禽將子鳴且過病葉黏枝乾復墮微陽
井底未照蘇俗物眼前猶細瑣楊風何藝自娛髮謝朓此
中惟酒可但飢來飢困來眠數隙中塵石中火家人關白
不得前知我不齋成懶惰

嶧縣王君六十壽詩

代

尋碑夙好繹山奇，儒雅應存魯叟遺。
誰識神光射牛背，劇憐君子古須眉。

籍甚聲華貢帝鄉，佳兒獻賦集賢堂。
過庭迴憶篝燈課，剗上今看蠟鳳皇。

扞賊功成便拂衣，魯連玉貌有前徽。
先生不顧千金壽，日養黃庭杜德機。

衛河南去村村樂，不羨長安華轂丹。
飯熟雕菰魚餠玉，兒孫簇簇捧春盤。

儒俠真風俗久微，彥方剛正絕脂韋。
神仙隊裡無鄉愿，石

髓從茲老不飢

憶山居吟

戴公山下雲滿川
嚴子臺邊竹引泉
瀧風西來忽吹凍
泉琴筑常濺濺
紅亭白塔不可到
令我長望心悠然
澄江抱郭綠沙淀
羣嵐壓閣驂飛仙
春風躑躅被繡嶺
夕陽鷓鴣驚浮畫
船家家簫鼓樂
豐年秣收釀酒
不論錢香杭炊玉
飯紅蓮魚肥作鮓
雀披綿竹萌虎爪
大如拳

冬生者名虎爪笋

夢

到臘尾江南天弟誚兄唱自可樂絕勝豪家供擊鮮洲上

唐梅老更妍

九里洲去縣郭兩牛鳴地環洲人家皆以植梅爲業方于詩洲上春深九里花自唐時已

然矣今梅花亭屢圯而樹經劫火未燃花時轉盛

萬株香雪海淪漣縞衣仙子豈

無匹虬枝玉骨皆姻連山中何人養
平田金庭石室餐霞
便結茅采藥東峯巔時見縹渺浮
炊煙長松驚濤聒醉眠
我欲從之長周旋

瓊瑛

五尺羞稱微管勳僭王猶欲陋河汾
駿駉忽已頭顱白
瓊瑛翻資篆刻勤生不世諧聊卜
隱業無高論且娛文
掉頭
東海持竿叟何日相從寂寞濱

水仙

水仙雖微葩定州薛蠶培碧沙
微瀾小礫護生氣晴窗一
放黃玉花君看鐵樹小枝老
葉硬形極杈碎磁金屑布其

足寸碧乃茁千萌芽微物尙有待養智何況靈臺方寸地
嵇生一漑良至言淵澗岸枯皆自致

寄松岑

前年塞上故人札袖裏猶存字未漫謫去晚知文利病技
成甯恤道艱難雪留嵩少歐追尹竹掩城南孟改韓役役
難尋古人樂雞蟲坐厭困長安

東臬子

鳳不憎山栖龍甯恥泥蟠能處蕺若淨至人養天全何必
治榮名爭校輕與軒濁世已矣夫吾師東臬賢

十二月十三夜月

綠淨青天一張紙夜寒院落清如水冰輪湧出挂林梢翼
重霜多鴉不起樹陰卻走虬龍形袖手慵攀上界星軒轅
道人在何許石鼎雷鳴喚不醒須臾斗轉東北移清光隨
人入荆扉高歌殷床四壁靜平生酒徒還復稀

寄鄧鴻臚

中年衰鬢已如霜許國憂時願莫償芒屨似聞尊卜式積
薪差幸譴淮陽遂初有賦身雖逸填海無功恨未忘一髮
羅浮青杏靄訪公待煮石爲糧

敘

壽昌偏嗜攷訂少而學詩託體不尊老尤淺率自喜以其便於懶漫也今觀尊集處處得事外致而無枝游曼衍之談實處含元氣入無間而無晦澀艱深之病壬申以前之作遺詞闕麗而趣猶隸入丁丑戊寅後詩則脫去樸儼之迹動與古會漸入簡淡而指殊深矣此功候年力之異不可強爲也世士強爲之故僞體百出矣宋郭若虛論畫有曰意在筆先筆周意內又曰內自足然後神閒意定神閒意定則思不竭而筆不困也是說也可以喻作者之詩然此中消息存乎繕性養氣漸至出其餘事充實不可以已

敘

七

避舍蓋
公堂

詩又惡足以盡之哉癸未三月既望老友七十退叟長沙

周壽昌識

題詞

木雁何曾出處縣東西飛背亦相憐桐溪夜雪千梅樹鑑
曲秋風一葉船君直掾曹猶歎詠我憑村學送華顛一臺
二妙誰相問同是醯雞甕裏天會稽李慈銘

談笑與人殊曰科此中空洞腹眞皤何妨遊戲隨方朔終
欲煙波狎志和借一軍持澆白業無雙荷葉侍青珂長安
名刺生毛慣不受黃塵陸海磨秀水趙銘

莊生

中白

怛化戴君

子高

天之子能鳴青玉絃輦下樓遲淹歲

月漸西歌嘯攝雲煙爭禁遼鶴千年感

君辛酉壬戌以後
避地客游里居之

日甚

少 解說天龍一指禪譚子天南望寥廓

兼懷仲修
作令皖中爰居

未肯啄腥羶金壇馮煦

高三十五今宿草

伯足直牧

往時屢道爰絲竒薜菴學人適我

願誅蕩詩史非君誰搶榆奚恤鴝鳩笑栖棘仍憐鸞鳳姿
正賴方言編異域漫將海棗斥安期長洲王頌蔚

此士不今有曠世一遇之炎天抱冰雪苦志娛文辭手作
天馬馳心窮溟漲窺不知人世短長意攀皇義城南數間
屋日日哦清詩詩或能窮人人窮詩愈竒陶陶卒歲樂戚
戚童年悲悲樂兩無朕聲文起相持割然天毀解至樂乃
在茲我病拙細書薑芽未能眠但爲鼠飲河滿腹忘其饑
蒙闕不工言乃知言者非商清雜徵變喻角疑非宜

譚君仲修

評大集有云談執者以李西涯詩
爲宮聲此於五音當屬角云云

知移情成連操榜舟海之湄
櫟社有槐木扶疏三十年

不知用何直且自希天全喟然見君子喪我平生焉夙樂

蘊元鑿神瑩萬靈先冥觀洞性韻伐材鏤瑕堅聽音且知
絃得魚不離荃豈無萬金藥醫此脰肩肩斲木貢匠門將
車奚仲前不辭擁腫醜所冀高庫便矢詩作先容叩關君
勿鍵嘉興沈曾植

江沂三天子臺留一客星山川自奇秀人物此英靈麟死
傷諸夏蟲生腐六經幹旋終有待未可慕湛冥龍易易順

鼎

敘

伊昔班孟堅志藝文序道家曰秉要執本清虛以自守而序詩賦則曰感物造耑材知深美可與圖事若是乎不相謀也而賢人君子繕性達情繫所蓄積波瀾莫二吾友重黎以之重黎負奇秉少丁喪亂失其楹書塵存孱守則已讀而舉要矣故相見淵湛而蓄敏銳之氣同好傾倒老成嘆異君益折節博涉羣言而折中於體用冠而壯也游於四方秣陵江都師友取益所學大就公車往來山海納於衿袂通知時事鬱律未試而發於詩歌文筆矜重其言淵平不易測識也浮湛閣掾久次戶暫復佐主客尙書典四

敘

一
避舍蓋
公堂

洲志將入南牀冠惠文矣旋出爲外吏曲折中外之窾宏攬消息之鑰匡論者迹而持幹以虛虛且徵之徵之亦於其詩淵乎其益深矣獻與君別十五六年乃得盡讀其詩固推大於夙昔之所見少壯之所造然而秉要執本清虛以自守味乎其言若游乎其道感物造端材知深美可與圖事則文如其人則人如其文波瀾莫二殆非一人之私言也歟老友李蕓客侍御有道者也嘗舉君詩與恩施樊雲門竝稱樊詩跌宕華於材者幹於道袁詩懿美默存者道而卷舒者才獻去年信宿君蕪湖權巡官舍縱橫談藝撰序未成今者序雲門詩意所感觸乃爲漸西村人詩序

以告後之志藝文者光緒甲午仲冬長至日仁和譚廷獻